



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africanam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. XXVIII. De Lotharingiae Ducatu.

urn:nbn:de:hbz:466:1-11108

Pedemontani Principatus metropolis est *Taurinum*, Sabaudix Ducum sedes, Academia, & Archiepiscopus, cui suffraganei sunt Episcopus, *Epoediensis*, *Montis Regalis*, & *Fossanensis*. Ad eandem prouinciam spectat Episcopus *Salutiensis*, exemptus à iurisdictione Archiepiscopali, vulgò *Saluzze*: qui Marchionatus olim Regis Gallix, nunc Ducis est Sabaudix.

Præter Episcopos iam commemoratos, resident item in ditone Ducis Sabaudix, *Maurianensis*, *Geneuensis*, *Nicæensis*, *Vercellensis* & *Astensis* Episcopi.

Ceterum Dux Sabaudix duobus Ordinibus militaribus præest, nimirum *Virginis Annunciate*, & *SS. Mauritij & Lazari*: de quibus vide *Origines nostras Equestres*. Tutelaris Sabaudix patronus habetur *S. Mauritius*, de quo infra, cap. 37.

CAPVT XXVIII.

DE LOTHARINGIAE DV-
catu.

Lotharingix (quæ olim Regni, nunc Ducatus titulo gaudet) metropolis est *Nanceium*, duplex opidum, Ducum ac Senatus sedes. Dignitate sequitur *Musipons*, opidum Academia celebre, quam Patres So-

Societatis Iesu moderantur. Tertium locum obtinet *Fanum S. Nicolai*, municipium amplissimum : in cuius templo adseruatur ex D. Nicolai Myreenfis Episcopi manu Articulvs vnus, inclusus auro, multis gemmis interstincto. Vnde huius loci nata primum amplitudo, pijs aduenis vndique confluentibus.

Lotharingia varijs Episcopis in spiritualibus subest: quos inter sunt, Metensis, Tullensis & Virdunensis. Eas vrbes olim Imperiales Henricus II. Galliae Rex in suam redegit potestatem.

CAPVT XXIX.

DE PRINCIPATV ARAUSIONENSI.

Pincipatus hic nomen habet ab vrbe primaria Arausione, vulgò *Orange*, quæ Episcopum habet, Arelatenfi Archiepisc. suffraganeum, & Academiam, itemque Senatum seu Parlamentum, ad quod fit Prouocatio à Iudicijs minorum aliquot opidorum.

Olim ad Cabillonensem, nunc ad Nasauiam gentem spectat. Cùm namque Philibertus Cabillonensis, Princeps Arausionensis, Prorex Neapolitanus, Caroli V. Imp.